

摘藻堂四庫全書薈要

史部

欽定四庫全書薈要

史部

欽定天祿琳琅書目卷十

詳校官員外郎臣潘紹觀



欽定天祿琳琅書目卷十

明版集部

辭

二函

十二冊

周屈平著附宋王景差賈誼淮南王安東方朔
嚴忌王褒劉向王逸擬騷諸篇共十七卷後漢
王逸章句書首載史記屈平本傳次漢班固序
次梁劉勰辨騷目錄後附楚詞疑字直音補一

卷

按世傳楚辭最著者一為王逸章句一為鼂无咎重編一為朱子楚辭集註朱子集註止八卷已見前宋版中矣其餘卷目分合互有異同考隋書經籍志楚辭十二卷注云後漢校書郎王逸注而唐書藝文志乃云王逸注楚辭十六卷已增多四卷矣其又稱十七卷者據鼂公武讀書志言淮南王安始作離騷傳劉向典校經書

分為十六卷東京班固賈逵各作離騷章句餘
十五卷闕而不說至逸自以為南陽人與原同
土悼傷之復作十六卷章句又續為九思取班
固二序附之為十七篇夫十七篇即十七卷也
宋時洪興祖作補註楚辭其卷目悉遵原本然
觀鼂氏所述王逸章句止十六卷其增多一卷
者以逸續九思與班固二序合數之耳此本分
十七卷而班序不入卷中又與宋時傳本不同

矣其卷首之載史記本傳則始於鼂无咎之重
編无咎以東方朔嚴忌皆漢武帝廷臣淮南小
山之辭不當先朔忌又以王逸為東漢人所作
九思與劉向輩相間且十七卷亦非舊錄故刪
去一卷止存十六卷并於逸所著離騷其中有
訓釋淺陋者悉為之刪汰而錄司馬遷原傳冠
之於首說詳讀書志中至於劉勰辨騷隋唐兩
志俱未論述惟讀書志述洪興祖補註楚辭自

序言辨騷非楚辭本書不當錄云云則亦古本
所有而曾經興祖刪汰此本蓋復存其舊而亦
不入卷數也其疑字直音補一卷宋人諸簿錄
中俱未見著其名當又出於興祖无咎之後此
本雖無刊刻年月然以版式定之則為明代坊
間所梓行者故其撫印亦復不能精善若以前
宋版中集註一書較之其紙色墨香則相去遠
甚矣

江陰徐氏印未詳何人

朱文

江陰徐氏
家藏圖書

卷一

曹子建集

一函
四冊

魏曹植著十卷

考子建集見於隋志者稱三十卷見於唐志及
書錄解題者皆二十卷見於讀書志及宋史藝
文志者則止十卷此本前後俱無序跋目錄後

有元豐五年萬玉堂刊木記亦分十卷與讀書
志宋志同其書櫺刻甚精印紙有金粟山印記
古色可愛惟目錄末葉卷一首葉紙色不同字
體亦異當是先有宋本闕此二葉因為翻刻并
以原書所闕重寫補刊或舊有序跋俱經私汰
未可知也

陶靖節集

一函
八冊

晉陶潛著十卷前梁昭明太子蕭統序次陶集

總論次統撰陶淵明傳

此書亦不載刊刻年月卷十末於顏延之撰陶徵士誄楊休之序錄之外凡宋人刊刻陶集諸序皆附錄於卷中則此本之非宋槧無可疑矣況其撫刻本不甚工也

收藏諸印無考

青玉
閣

勅筆
而記事
樂琴書
以消存

俱朱文 蕭序
陶傳 卷之卷十

子高
文房
印

朱文

湖山
居上
印

白文 蕭序 總論
陶傳目錄 卷之卷十

類箋唐王右丞集

二函
十二冊

唐王維著詩集十卷文集四卷前明顧起經序
次凡例次開局氏里次王集表勅次王集列傳
次王氏世系并圖目錄末載右丞詩畫評一卷
後唐諸家同詠集一卷唐諸家贈題集一卷右
丞年譜一卷外編一卷外編後有起經識語

按此書凡例稱詩集舊本係六卷今析為十卷
文四卷編置末冊其開局氏里後標嘉靖三十

四年十二月望授鉞三十五年六月朔完局每
卷末俱記刊書之月并校閱諸姓氏可謂鄭重
經營者矣版雖不能甚工而字畫清朗尚稱佳
本考常州志顧起經字長濟無錫人以國子生
謁選授廣東鹽課副提舉兼署市舶弟起綸輯
明諸家詩名國雅為世所重

分類補註李太白詩集

二函
十六冊

唐李白著元楊齊賢集註蕭士贇補註二十五

卷

前元版中有是書目錄末葉版心標至大辛亥
三月刊此本版式似之而目錄末葉版心則稱
正統己巳二月印當即由前版翻出者其所載
建安余氏勤有堂刊本記係仍元刻之舊然元
刻尚有李陽冰樂史宋敏求魯鞏毛漸諸序此
則全佚之矣

予謙李春陽二印未詳其人

譙子

白文目錄

卷十

李卷
陽印

朱文

卷一

分類補註李太白詩集

一函
六冊

篇目同前附文集五卷共三十卷前唐李陽冰
序次宋樂史別集序次唐李華李公墓誌次宋
劉全白李公碣記次宋宋敏求曾鞏後序各一
篇

此本詩集首卷標題下先列楊齊賢蕭士贇名

次標吳會郭雲鵬校刊而文集首卷則第標雲鵬編次不列齊賢士贇蓋以文集無兩家註故也按雲鵬自標吳會而吳中志乘不見其名書中但稱校刊編次前後俱不自為序跋以後歐陽文粹一書証之亦稱雲鵬校刊而序跋俱無則疑雲鵬者第書肆中刻梓鬻市人耳特此本撫印精潔遠出前部之上當亦書林良賈也

明王時敏藏本印記見前

王時敏
鑒賞
書畫記

白文

煙客

朱文 俱李序 卷一之卷十二 卷十四 卷十六 卷十八

卷二十 卷二十二 卷二十四之卷二十六 卷二十八 卷三十

集千家註杜工部詩集

二函
二十三冊

唐杜甫著詩集二十卷附文集二卷前宋王洙
王安石胡宗愈蔡夢弼四序後載甫墓誌本傳
二篇

前元版中有是書輾轉翻刻木記互異然標題
俱稱集千家註分類杜工部集此則明人所梓

行者刪去分類二字所收序文亦與元刊不一
按後一部標題次行稱玉几山人校刊此本無
之所空一行亦未別刊姓氏則知玉几山人者
必為明人書賈欲偽作宋槧嫌其名而掩之固
瞭然也

集千家註杜工部詩集

四函

二十三冊

篇目同前闕墓誌本傳

此為前版初印之本字畫較為清朗紙質之潔

賦亦遠勝之

明米萬鍾藏本按明史萬鍾字友石萬歷二十
二年進士歷官江西按察使終太僕少卿餘印
未詳

米萬鍾字
仲詔

朱文

怡雲
之閣

朱白間文

蘭公

朱文

俱漆序

繡佛
齋

小書
巢

俱白文

明仲

朱文

俱卷一

杜工部全集

一函
六冊

唐杜甫著六十六卷前明姚士麟序次杜集舊
序八篇跋二篇次甫墓誌次韓愈題杜子美墳
詩次舊唐書本傳次新唐書本傳次年譜次凡
例後明劉鑒序

此書為明人劉世教分體編校所著凡例係合
李杜二集而言劉鑒序中亦述其伯父之言謂
李源風杜源雅兩公之詩體從風雅出云云是

鑒亦為李杜合編而作惟姚士麟一序止言杜
詩不及李集或士麟別有序文載於李集之首
而此則其分部單行之本而當時固為合刊也
考海鹽縣圖經稱世教字少彝萬歷庚子舉北
闕謁選授閩清令於詩好李杜嘗取舊集之編
年者分體次之序以行世云云據圖經所言尤
於此書體例隱然脗合劉鑒靖江人嘉靖三十
年歲貢官蜀府紀書見常州府志姚士麟爵里

未詳

闕補卷十二 卷二十三 七

陸宣公集

一函
十冊

唐陸贄著二十二卷前唐權德輿翰苑集序

此書總標二十二卷而分制誥十卷奏草六卷

中書奏議六卷與陳振孫所載翰苑集十卷榜

子集十二卷者正相符合前元版書中僅錄制

誥此方是其全本以版式較之當屬明翻宋槧

第惜紙質黝厚撫印亦不能工耳

王後山印記未詳何人

朱文序 卷五 卷十 卷十四

管理典冊
王後山印

卷十五 卷二十一 卷二十二

韓柳全集

一函
六冊

唐韓愈柳宗元著韓集二十卷外集一卷集傳
一卷補遺一卷前宋朱子考異序次宋王伯大
序次諸家姓氏次唐李漢序次汪季路書次凡

例柳集二十卷別集一卷外集一卷附錄一卷
前宋陸之淵音義序次唐劉禹錫序次諸家姓
氏

宋人合刊韓柳集者有魏仲舉本前宋版書中
已皆錄之此本亦韓柳合刊以版式觀示亦從
宋本撫出紙質墨光雖不相及而已得其形似
矣

治卿印記未知誰氏

治卿

朱文韓集朱子序卷五卷十二卷十九

柳集陸序卷五卷九卷十四卷十九

闕補韓集諸家姓氏全柳集卷四十五

韓柳全集

一函
八冊

韓集四十卷外集十卷集傳一卷補遺一卷柳
集三十六卷韓集李漢序柳集陸之淵序俱不
載

此本亦仿宋槧版式與前部約畧同而刻手印

工又出其下至分卷各不相謀者蓋緣唐宋人文集凡經後人校刊者每有更定係以集部之書固不必如經史子篇目各沿奉為主臬也

泰興季氏藏本印記見前



朱文 韓集朱子序 目錄 卷一之卷六 卷八 卷十 卷十一

卷十三之卷十五 卷十七之卷十九 卷二十一 卷二十二 卷二十四 卷二十六

卷二十八 卷三十 卷三十一 卷三十三 卷三十六 卷三十八 卷四十 外集目錄

卷四 卷八 柳集劉序 卷二 卷四 卷六 卷九 卷十一 卷十三

卷十五 卷十七 卷二十 卷二十三 卷二十六

卷二十八 卷三十一 卷三十三 卷三十五

昌黎先生集

四函
三十六冊

唐韓愈著四十卷外集十卷遺文一卷前昌黎
集敘說次凡例次集傳

書中凡例集傳之後以及各卷中皆有原刊姓
氏木記而盡為割去補以別紙無復存者蓋此
書撫刻極精書賈遂欲逞其作偽之計而校刊

苦心之人其名轉不可得而傳矣

懷永堂印未知誰氏所鈐



白文

卷一

柳文

二函
二十冊

唐柳宗元著四十三卷別集二卷外集二卷附錄一卷前唐劉禹錫序

陳振孫書錄解題所載柳集凡三種其稱禹錫

編次者係四十五卷外集二卷并云今世所行本皆四十五卷又不附誌文非當時本也云云是宋時所刊柳集已非禹錫編次之舊此書卷數既不相符而卷一標題下漫署禹錫之名且係以別紙補入其字畫與全書迥殊安知前後不別有序跋而亦為坊間所私汰耶

白氏長慶集

四函
三十二冊

唐白居易著七十一卷前唐元稹序後載宋陶

穀重修白樂天影堂記

此書目錄後并各卷末俱有錫山蘭雪堂華堅
活字銅版印記考明時活版之書出於錫山安
國家者流傳最廣華堅姓名不見郡邑志乘蓋
與安國同鄉里因效其以活版製書其書於一
行之中分別兩行之字全部皆如小註遂致叅
錯不齊則其法雖精而其製尚未盡善也按宋
史陶穀字秀實新平人本姓唐避晉祖諱改焉

入宋仕為翰林承旨累加刑部戶部尚書贈右
僕射

御題儒雅曾聞白樂天漫將草易議前賢但從性地
中流出月露風雲總道詮人咸謂香山之詩傷於易
不知其易處正難及也偶讀其集題此甲子仲冬御
筆鈐

寶二曰稽古右文之璽曰乾隆御筆

元氏長慶集

一函
十四冊

唐元稹著六十卷前宋劉麟序後附稹集外詩
一章文一篇

按劉麟不見宋史爵里無可考序文之末標為
建安人字應禮其序作於宣和甲辰自稱其父
先經抄寫因閱手澤募工刊行則麟殆首刊稹
集之人歟此書版式實為明槧而猶存此序者
蓋沿其舊也

明內府藏本有內府圖書其王氏趙氏印未詳

內府圖書

朱文

王氏
俊華

白文

趙氏
書印

朱文 俱序 卷二 卷六 卷十

卷十五 卷十九 卷二十三 卷二十六 卷三十一

卷三十五 卷四十 卷四十六 卷五十一 卷五十五

闕補卷十
卷二十八
三四

元氏長慶集

一函
八冊

篇目同前

此即前版而紙墨之佳撫印之善遠出前部上
矣

明陸完文徵明藏本完見前徵明有玉蘭堂印

又有春草堂印考朱彝尊明詩綜小傳載朱茂
曙字子蘅太傅國祚之孫有春草堂遺藁此印
當其所鈐

本朝泰興季氏亦經收藏

江左

朱文

逍遙
軒

春草
堂印

玉蘭
堂

俱白文

吾道在
滄州

吾道在
滄州

蒼海

俱朱文
序

御史
之章

白文

季印
振宜

滄
葦

俱朱文
目錄

完

朱文
卷十三

卷二十六

白文

卷十三

卷二十六

一笑而已

卷四十四

書末

魚頭
鶴譜

白文

書末

追昔游詩集

一函
三冊

唐李紳著三卷

鼂公武讀書志中載追昔游詩集云開成戊午八月紳自為之序此本書首不載序文蓋至明時從舊本撫刊其序已佚之矣李紳字公垂亳州人元和元年進士累官中書侍郎平章事其

曰追昔游者敘生平歷官及遷謫所至述懷紀游之作也

泰興縣李振宜滄葦氏珍藏

卷下

右識語一作小行書絕無俗韻書首有明黃姬水
印記係先為黃所藏而後歸於季者也姬水
見前餘印無考

積山

朱文

黃印
姬水

白文

俱目錄

李振宜
藏書

朱文目錄

卷上之卷下

仲和

朱文

柱下
史

白文

卷上

李義山集

一函
四冊

唐李商隱著三卷

陳振孫書錄解題載李義山集八卷樊南甲乙
集四十卷惟玉溪生集為三卷然云即前卷中
賦及雜著且馬端臨文獻通考亦祇稱為二卷
此本標李義山集專錄其詩與振孫所載玉溪
生集卷帙雖同其書各異則非宋人所刊無疑
特撫刻清朗亦明槧之善本也

歐陽文忠公集

四函
二十六冊

宋歐陽修著居士集五十卷外集二十五卷易
童子問三卷外制集三卷內制集八卷表奏書
啓四六集七卷奏議集十八卷雜著述十九卷
集古錄跋尾十卷書簡十卷附錄五卷共一百
五十八卷前宋周必大序次蘇軾居士集序次
修小像并宋李端叔晁悅之贊次宋胡柯撰年
譜一卷并記

前元版中有是書撫刻精妙實元本之最佳者
其中特無歐陽脩小像耳此本雖非草草剗剗
然刻手印工俱遠不相逮矣李端叔名之儀滄
州無棣人元豐中登第終朝請大夫自號姑溪
老農晁悅之字以道清豐人元豐五年進士仕
至徽猷閣待制自號景迂生俱見明一統志

歐陽先生文粹

二函
十二冊

宋歐陽脩著文粹二十卷遺粹十卷前宋蘇軾

序次宋史本傳次蘇轍撰神道碑次韓琦撰墓誌銘次蘇軾王安石祭文忠公文文粹後有宋陳亮序

此與前分類補註李太白詩之第二部同為明人郭雲鵬所刊文粹遺粹卷末俱有吳會郭雲鵬選輯附梓木記陳亮序後亦有木記稱吳會郭雲鵬校勘刻於寶善堂按選輯校勘之人前後應有序跋乃僅刊木記為識則不過沿廖氏

世綵余氏勤有之舊其為刻梓售書而非自行
操選者明矣陳亮字同父永康人紹熙中進士
第二授僉書建康府判官廳公事宋史有傳

明樵李項氏錫山安氏藏本有子京珍藏安氏
家藏諸印又有庸菴印考姚江逸詩傳宋元僖
字無逸洪武間召脩元史事畢還山與桂彥良
同徵主考福建有庸菴集十卷此印當其所鈐
史樹駿印無考

庸菴

朱文文粹蘇序目錄卷二卷五卷八

卷五卷十七遺粹目錄卷五卷五卷七卷九

史印樹駁

白文文粹蘇序卷一

遺粹目錄卷一

項子京家珍藏

朱文文粹卷十

卷十一卷十二

世濟美堂項氏圖籍

朱文文粹卷十一

卷十四陳序

安氏家藏

朱文

遺粹目錄

伊川擊壤集

一函四冊

宋邵雍著二十卷前明人希古序次雍自序後

附集外詩十三章并宋邢恕明畢亨二序

希古不載姓氏其序作於成化乙未稱披閱擊

壤集愛其體物切實立意高古乃重鋟梓云云
夫曰重梓則先有刻本據而重梓焉耳畢亨序
祇標庚子歲作不題年號以序中之言考証諸
書則為成化庚子後於乙未希古之序又五年
矣按明時有兩畢亨皆成進士歷顯官一字嘉
會山東新城人成化乙未進士歷官順天府丞
終南京工部尚書見凌迪知萬姓統譜一為山
東單縣人河南衛軍籍景泰甲戌登進士第歷

官應天府尹進副都御史見江寧府志今亨序
後結銜為副都御史序中又有尹應天及回洛
之語則是籍隸河南之畢亨無疑矣序稱於監
察御史晉陽王濬家得擊壤集每欲壽梓而未
暇及後尹應天始克刊行及今致政特取此版
回洛適郡守桂林劉公尚文建先生安樂窩書
院復訪先生集而梓行之遂以此版授焉云云
其言復訪梓行者非即希古序中重鐫之謂乎

希古當即劉尚文之名惜無可考邢恕字和叔
河東人元祐初除御史後謫隨州宋史有傳王
濬蒲州人宣德丁未進士見太學題名碑

司馬太師溫國文正公傳家集

二函
十冊

宋司馬光著八十卷前宋劉隨序

陳氏書錄解題載傳家集稱一百卷馬氏文獻
通考引晁公武之言不及卷數然云今光州有
集本與陳氏語同則亦為一百卷可知且云劉

嶠刻版上之并不言有隨序今此本僅八十卷
已非宋槧之舊況隨序亦不詳刊刻源流則並
非付梓而作也按宋史隨字仲豫開封考城人
進士及第歷官工部郎中知應天府遷戶部副
使改天章閣待制

沈穀似潘汝棟二印未詳其人

沈穀似印

潘汝棟印

俱白文

序

老泉先生文集

一函
十二冊

宋蘇洵著十四卷

宋人諸書目所載蘇洵嘉祐集皆稱十五卷此
本標題既不仍嘉祐之名而分卷僅止十四其
版雖仿宋巾箱本式然字畫結體較大筆法亦
不能工決非宋槧其前後無序跋者當為書賈
割去無疑

王執禮收藏印記亦無考

縣圖

白文目錄卷四卷六

卷八卷十卷十三

王印
執禮

白文

卷一

東坡全集

四函
二十六冊

宋蘇軾著東坡集四十卷奏議十五卷應詔集
十卷內制集十卷附樂語一卷外制集二卷後
集二十卷續集十二卷共一百十卷前有序闕
名次宋贈蘇軾太師勅次宋史本傳次年譜次
蘇轍撰墓誌銘

按序稱海虞程侯自刑部郎來守吉州得宋時
曹訓所刻舊本及仁廟所刻未完新本重加校
閱仍依舊本卷帙舊本無而新本有者則為續
集并刻之蓋公文全集初有杭蜀吉本及建安
麻沙諸本以歲既久木朽紙弊已不復全幸程
侯傳刻於世使吾郡九邑之士得而觀之云云
蓋以重刻者為明人故稱曹訓為宋時作序者
為吉人故稱吉州為吾郡也乃序後原署姓名

為書賈割去補刊一行則云乾道九年閏正月
望選德殿書賜蘇嶠夫賜書但賜其書耳即以
年月姓名標識卷中宜出手書不應刊印況曹
訓之名見於西江志之名宦秩官二門謂訓字
子序自章貢移知袁州雖所敘爵系不甚詳晰
而其名則列於紹熙各守之後蓋後於乾道九
年又十餘載序中明言據訓舊本重刊此書乃
謂乾道時降賜刊在後而賜在先不亦舛謬之

甚乎訓仕江右曾刻此書明之守古者即於其
地訪其舊本重為校梓亦事理之顯然者書賈
無知妄作真不直一喙矣

闕補本傳

十六之二十

內制集卷九

十六

卷十一後

集卷十五

十三

續集卷一

十

卷七

三十五

卷十

一十二

三蘇先生文粹

二函

二十四冊

宋蘇洵文十一卷蘇軾文三十二卷蘇轍文二

十七卷

墨點紙疎係出明製書賈以其式似宋槧私汰
序跋刻梓之人遂以不傳

三蘇先生文粹

三函
二十四冊

篇目同前

此與前部同版並一時撫印之書

南豐先生元豐類藁

一函
八冊

宋曾鞏著五十卷附行狀碑銘一卷前宋王震

序

按文獻通考祇載南豐類藁五十卷而王偁東都事畧則稱有外集十卷宋史本傳與韓維所作神道碑及今西江志所載又稱有續藁四十卷然近時流傳惟類藁為完書而續藁外集久經散佚又按陳氏書錄解題稱類藁為王震所序而年譜則朱子所輯今震序尚存卷首而失列年譜則非宋時原槧可知每卷標題次行有

南豐後學邵廉校刊八字未詳邵廉為何人而
版式紙質均係明製無可掩襲且書名類藁則
必撰人已作始可編入卷數是書末卷行狀碑
銘宜稱附錄而版心標為五十一卷則編次之
失宜方家必不出此寧可託為宋槧耶按宋史
王震字子發以父任試銓優等賜及第元豐官
制行執筆入記上語面授尚書右司員外郎使
自書除目舉朝榮之進起居舍人使行西邊還

為中書舍人遷給事中權吏部尚書拜龍圖閣
直學士知開封府後坐折獄滋蔓奪職知岳州
收藏諸印見前

得知千載外
正賴古人書

李鼎宜
藏書

俱朱文

序首

汲古閣

朱文

目錄

御史
之章

白文

李印
振宜

滄
葦

俱朱文

毛晉
私印

白文

子晉
字印

朱白間文

俱卷一

臨川先生文集

二函
十冊

宋王安石著一百卷前宋黃次山序

考馬端臨文獻通考載王介甫臨川集一百三十卷

國朝查慎行作西江志又載王荊公集一百卷後集八十卷是書為卷止一百則非通考所稱之本矣西江志所稱一百卷疑即指是書而後集則別本單行耳黃次山爵里未詳惟自署為豫章人而序中稱是書為知州事詹大和甄老所

校刊則知次山與安石為同郡而與大和則同
時也按西江志稱詹大和於乾道間以直顯謨
閣學士出知撫州則此書原刻於南渡孝宗之
世而明時又復經翻刻者已非復大和剞劂之
舊矣

朱文公文集

六函
三十六冊

宋朱子著一百卷

按陳振孫書錄解題載朱子文集一百卷紫陽

年譜三卷王圻續文獻通考載文公文集一百五十卷莆田黃士殷編次此本卷數雖與陳氏所錄相符然不載年譜其撫印亦不工係明時坊間刊售之本故前後俱無序跋也

重鈔文公先生奏議

一函
五冊

宋朱子著十五卷前明葉向高序

向高序作於萬歷甲辰稱朱生崇沐既刻朱子語類而余為之序茲復裒奏議刻之仍屬余序

云云崇沐為萬歷間庠生文公十三世孫即詳
此書所刊同校諸人姓氏之末而每卷標題下
首行又稱宗後學監察御史高安朱吾弼編按
崇沐有世次可考而吾弼但稱後學則崇沐非
吾弼同里之人已可概見乃向高序中止言崇
沐而不及吾弼豈當時編校二人實共成其事
而向高者僅與崇沐相知而遂獨稱其名耶考
明史朱吾弼字諧卿高安人萬歷十七年進士

累官南京太僕卿葉向高見前

象山先生全集

一函
十冊

宋陸九淵著三十六卷前有序闕名次宋袁燮
楊簡二序

書中所載袁燮楊簡二序係沿宋本之舊其第
一序署名處已為書賈割去補以別紙遂闕其
名然為明人所刊即此可見序中稱撫守李茂
元將重刻象山文集而請予一言為序云云謂

之重刻則非宋槧又顯然矣考太學題名碑李
茂元凡兩見一為河南祥符人弘治丁丑進士
一為河南歸德州人正德辛巳進士官撫守者
未知為誰也

鴻慶居士文集

一函
十二冊

宋孫覲著十四卷前宋周必大序

考陳振孫書錄解題載鴻慶集四十二卷稱戶
部尚書晉陵孫覲撰按覲大觀三年進士政和

四年詞科當提舉鴻慶宮故以名集又考馬端
臨文獻通考及宋史藝文志所載鴻慶集並四
十二卷此書獨十四卷者蓋後人選定之本也
按周必大序作於慶元五年稱公子興國太守
余以書謂必大曰先君文稿中更兵燼存者無
幾而閩蜀所刻復襍翟忠惠之文懼不足傳信
今定為四十二卷其未備者方裒次為外集為
我序之云云此本仍冠周序而改四十二卷為十

四卷以符所刻之目則為刻是書者所妄改也按覲生平出處無足取明嘉靖間其鄉人將刻其遺集或曰覲得罪名教不得以文集流傳其事遂止世所傳者僅有抄本此書未知刻於何時審其雕鐫紙墨自屬嘉靖以前之本但非全書故其鄉人欲重刻之而事未果書賈以此本充宋槧撤去序跋遂無刊刻時代可稽耳

莫廷韓藏本餘印無考

閣雲飛

朱文

英氏
廷輯

白文

靜緣軒
圖書印

朱文俱序

卷二之卷十三

古槐
書屋

朱文卷之卷八

卷十之卷十二卷十四

渭南文集

一函
八冊

宋陸游著五十卷前宋史本傳後游子邁跋明

毛晉識語

毛晉識語稱馬氏通考載渭南集三十卷今不

傳邇來吳中士大夫有抄而秘其本者亦頗無

詮次紹興郡有刊本去入蜀記濶增詩九卷近

得光祿華君活字印本渭南集五十卷乃嘉定
中翁幼子適編輯也但其版多謬多遺因嚴加
讐訂并付剞劂云云按琴川毛氏嘗刊渭南全
集此則其分出單行之本考宋史藝文志亦別
稱渭南集五十卷卷帙與此正同則不必與全
集並行方足以為完書所稱光祿華君者前白
氏長慶集書中有蘭雪堂華堅活字銅版印記
未知光祿即華堅否志乘中不載其人惜無所

考然概稱光祿則凡為光祿之丞簿皆可以光祿稱之其人故無可詳焉

漫堂劉先生文集

一函
十冊

宋劉宰著二十二卷前宋趙葵序

劉宰字平國金壇人紹聖元年進士官泰興令諡文清趙葵字南中衡山人官至右丞相兼樞密使封魯國公贈太傅諡忠靖宋史俱有傳葵序作於嘉熙四年稱劉公自號漫堂病叟著述

不可勝紀然皆散佚不存今姑就所見所聞者傳之于世云云是葵實始刊是書之人而此本紙色皆出渲染蓋以新本而襲舊刊者矣

鐔津文集

一函
四冊

宋沙門契嵩著二十卷目錄後載宋陳舜俞撰鐔津明教大師行業記末附契嵩與沙門倡和詩二卷序詩題讚一卷

按陳舜俞記稱契嵩所著書自定祖圖而下謂

之嘉祐集又有治平集凡百餘卷總六十有餘
萬言其甥沙門法燈克奉藏以信後世云云據
此則契嵩所著述甚富此二十卷僅其十之一
二但謂法燈奉藏則未全行鏤版可知也今書
末有洪武甲子天台松雨齋沙門原旭募重刊
鐫津集疏一篇又有永樂三年嘉興沙門宏宗
書後一篇稱松雨製疏重刊既已化行開至二
十餘版適疾作不克成其事茲以天全叡首座

發堅固志繼其芳猷云云則此版為天全所雕
始末具見又有後序一篇稱天全叡公為東海
慧眼宏辨禪師之弟子似亦沙門所作乃書賈
於署名處割補別紙意在偽充宋槧而不知原
旭之疏宏宗之序已題洪武永樂年號又安從
掩飾乎考浙江通志契嵩字仲靈自號潛子藤
州鐔津李氏受記薊於洞山聰公作原教論十
餘萬言未幾游衡岳歸著禪宗定祖圖傳法正

宗記書成游京師仁宗覽之嘉嘆付傳法院編
次入藏賜號明教韓琦歐陽脩俱尊禮之後居
錢塘佛日禪院應蔡公襄所請也陳舜俞字令
舉嘉禾人慶歷六年進士歷都官員外郎謫監
南康酒稅宋史有傳

闕補卷三十一卷十五八卷十八十五卷十九
十

弇州山人四部稿

六函
六十二冊

明王世貞著一百七十四卷分賦詩文說四部
前明汪道昆序後附世貞弟世懋書并世貞記
觀世懋遺世貞書世貞自為記云敬美此書寄
自豫章垂十年矣以其見飾之過秘不敢示人
至於揚摧藝文折衷上下往往有寸心千古意
安可以嫌終秘之且聞在藝圃擷餘中行之闕
矣乃為梓拙稿之後據此則此書為世貞所自
刊也當時櫟刻本不能工今世所行者皆出一

版而此本猶屬明時所印較為清朗世貞世懋
汪道昆並見前

代囊子集

二函
十六卷

明賀逢聖著詩類六卷文類十卷

此書前後俱無序跋而雕刻精良紙色墨香絕
類宋槧蓋明末文人刻集之最工者按明史逢
聖字克繇江夏人萬歷四十四年廷試第二授
翰林編修天啓間為洗馬忤魏忠賢削籍崇禎

時復官進秩禮部尚書太子太保文淵閣大學士致政歸張獻忠陷武昌投墩子湖一家殉之
福王時贈少傅謚文忠

六家文選

三函
三十冊

梁昭明太子蕭統撰六十卷唐李善呂延濟劉良張銑呂向李周翰註前蕭統序次李善上文選註表并國子監奉刊文選詔旨次呂延祚進五臣集註文選表後明表聚識語

此書櫺刻甚精校勘亦審實與宋槧同工序後
標此集精加校正絕無舛誤見在廣都縣北門
裴宅印賣又五十二卷末葉標毋昭裔貧時常
借文選不得發憤曰異日若貴當版鏤之以遺
學者後至宰相遂踐其言并註云出揮塵錄此
二條宋槧中本有之係存其舊其六十卷末葉
有吳郡袁氏善本新雕隸書木記則袁槧所自
標也裴識語云余家藏書百年見購鬻宋刻本

昭明文選有五臣六臣李善本巾箱白文大字

小字殆數十種家有此本甚稱精善而注釋本
以六家為優因命工翻雕匡廓字體未少改易
始於嘉靖甲午成於己酉計十六載云云其四
十四卷末葉標丁未六月初八日李宗信雕五
十六卷末葉標戊申孟夏十三日李清雕李宗
信李清疑皆當日剞劂高手故自署其名而丁
未為甲午後之十三年僅刻至四十四卷戊申

又丁未後之一年僅刻至五十六卷且其成也
經十六載則袁氏之擇工選藝以求毫髮無憾
之意概可見矣按蘇州府志袁聚字尚文吳縣
諸生循例入太學善屬文尤長於詩繪花鳥有
逸趣書法擬元章晚耕謝湖之上自號謝湖

六家文選

六函
六十一冊

篇目同前闕袁聚識語

此即袁氏所刊之版而四十四卷末葉李宗信

之名及五十六卷末葉李清之名俱被書賈割去故紙幅均屬接補袁裝識語亦經私汰而於六十卷末葉改刊河東裴氏考訂諸大家善本命工鏤於宋開慶辛酉季夏至咸淳甲戌仲春工畢并於末一行增刊把總鏤手曹仁其字畫既與前絕不相類版心墨線亦參差不齊且考訂訂字誤作金旁則偽飾之跡顯然畢露矣

明楚府藏本考明史諸王世表洪武三年太祖

封庶子楨於楚是為昭王傳六世顯榕襲封以

嘉靖二十四年遇害是為愍王至嘉靖三十年

始續封愍王庶子英燦為王是為恭王今考袁

氏書刻成於嘉靖己酉為嘉靖二十八年正當

楚國絕封之時則所鈐楚府圖書當出恭王以

後也又有翰林學士文節世家一印考宋史楊

萬里謚文節此宋人謚法之最著者其印或為

明時楊氏所鈐餘印無考又有袁忠澈印記袁

字篆法偽作表字明屬書賈偽為不足錄入

楚府圖書

翰林學士
文節世家
藏書畫印

顧氏藏書

俱朱文 李善表 呂延祚表

九華山房

白文

蕭統序目錄卷一之卷三十

呂延祚表

水付
陸氏
琢藏

白文 呂延祚表 蕭統序

目錄卷一之卷三十

雲間
氏仲履
父圖書

瑯琊王
氏琢玩

俱朱文 目錄卷十卷二十

卷三十卷四十卷卒卷卒

闕補卷二一卷三

一之卷四

二十一

卷六

二十

五

二十卷十八

二十四

八三十一

卷二

六

卷十八

十四

卷二十四

八三十一

卷二

十八

卷二十九

十

卷三十二

五十七

十八

卷二十九

十

卷三十二

五十七

二十卷五十二九卷五十四二十卷五十七九

六家文選

六函
六十一冊

篇目同前闕袁褰識語

此亦前版而書中所有宋刊明刊識語未記悉
經私汰補痕顯然撫印亦不及前二部之工
寶峰主人收藏印記未知誰氏

寶峰主人

朱白間文

業在
二酉

朱文

俱蕭統序

六家文選

十函
六十一冊

篇目同前闕表裝識語

此書惟存五十二卷後所載揮麈錄一條其餘
識語木記皆經割補而紙質特佳

泰興季氏藏本印記見前

朱文



目錄

白文



滄葦

朱文

俱第一冊後副葉

闕補目錄

三十一
三十二

卷三十

三十七

六家文選

六函
六十一冊

篇目同前闕表裝識語

此書亦存揮麈錄一條而六十卷之末偽刊奉
議郎充提舉茶鹽司幹辦公事臣朱奎奉聖旨
廣都縣鏤版起工於嘉定二年歲次己巳畢工
於九年壬子臘月并標督工把總惠清亦係割
去原紙別刊半葉粘接於後且嘉定九年係丙
子而非壬子則其作偽益顯然矣

明文徵明藏本有煙條館印袁忠澈亦經收藏
印記見前又有世美堂印按朱彝尊明詩綜小
傳載丁此呂字右武江西新建人萬歷丁丑進
士歷官湖廣布政司參政著有世美堂集此印
當即呂氏右武所鈐餘印俱無考又有景濂印
考明史宋濂字景濂浦江人洪武間官至翰林
學士承旨兼太子贊善大夫是景濂乃明初人
書中不應有其印記明係書賈偽作不足存也

尚書司卿
柳莊表忠
藏家藏印

从第進
士家藏
書印記

俱朱文

漁陽
子

朱白間文

徐印
孟岳

郭氏安
道師德
靜堂

俱朱文

煙條
館印

世美
堂

言子

天討
堂

俱白文

山高
水長

世美
堂

古
狂

俱朱文

滄浪
漁隱

白文

俱卷之卷六

紫宮

白文

地史
之商

卷二卷四

朱文俱卷一

江遠

朱文 卷三十一之卷三十
卷五十一之卷六十

遠
印

白文

卷四十一之卷五十

闕補表序目錄全

六家文選

六函
六十一冊

篇目同前闕表裝識語

此書亦於卷六十之末葉改刊河東裴氏考訂
云云訂字并作金旁與前第二部同其偽製蓋
出一人之手也

明袁忠澈藏本印記與前部同又有王偉印考
明史王偉神宗顯皇后父也萬歷五年授都督

尋封永年伯呂雄濟之二印見前華亭朱氏未
詳其人

尚書司印
柳莊表
藏家藏印

朱文

王偉

呂雄

俱朱白文

濟之二

華亭
朱氏
珍藏

俱朱文序

卷一之卷卒

六家文選

六函
六十一冊

篇目同前闕表裝識語

此書於蕭統序後標紹聖三年丙子歲蜡月十
六日秘閣發刊又於呂延祚表後列魯布蔡卞

等校正銜名卷六十後復標紹聖四年十月十五日太學博士主管文字陳瓘督鋸匠孫和二等工完皆係別刊半幅粘接而袁氏識語末記盡為割補紙質印工并出前後諸部之下

明馮夢禎藏本有馮開之印考浙江通志夢禎字開之秀水人萬歷丁丑進士累官南京國子監祭酒又有太子太保傳文穆公家藏圖書考明史傳瀚字曰川新喻人天順八年進士累官

禮部尚書贈太子太保諡文穆此印當其後人所鈐其曲阿孫氏真賞齋二印無考

馮氏
間之

白文序

卷之卷六十

曲阿孫氏七章
山房圖籍私藏

真賞齋
圖書記

俱朱文序目錄

卷一之卷六十

太子太
保傳文
和公家
藏圖書

朱文序目錄

卷之卷二十三卷三十五卷六

六家文選

六函
六十冊

篇目同前闕表裝識語

此書亦將袁氏識語木記妄為割補其卷五十
二末葉所有戊申孟夏十三日李宗信雕一行
雖於撫印之時以別紙掩蓋其上然十三兩字
墨痕猶隱透行間依稀可辨乃版心上方復以
熙寧四年刊五字別刻木記逐幅鈐印抑何其
心勞日拙耶

書中有吳寬印記考明史吳寬以正德時卒於
官其時袁氏此書尚未付梓安得經其收藏明

是書賈故取袁褰以前之人冀掩其作偽之計
不足採入餘所鈐三印亦無考

張星堂

水村陸氏黃史珍玩圖書

毛氏九壽珍玩

俱白文 目錄

卷一之卷六十

六家文選

六函
六十一冊

篇目同前闕李善呂延祚表袁褰識語

此書惟存蕭統序後裴宅印賣一條其餘識語
木記俱經私汰實亦吳郡袁氏新版也其於卷

二十四後乃偽標嘉祐改元澄心堂刊八字而
祐字誤作祐改字已旁譌作已此作偽而益形
其陋者

收藏諸印無考

東山子

白文

收藏

序

六江朱

孔兆印

朱文

序

卷之卷五

卷十六

卷十八

卷十九

卷二十

卷二十一

卷二十二

卷二十三

卷三十三

卷三十六

朱文 序

朱文

序

卷之卷五

卷十六

卷十八

松陵世家

卷之卷六

靖龍
主人朱六
江國章

卷十九

卷二十

卷三十三

卷三十三

卷三十三

卷三十八

卷四十六

卷四十七

卷四十八

卷四十九

卷五十四

酒中堪累月
身外即浮雲

蔡珣
私印

東山
氏

俱朱文

目錄

吳氏
珍地

白文

卷六之卷十五

卷十七

卷二十一

卷二十四之卷三十一

卷三十四之卷三十七

卷三十九之卷四十五

卷五十一之卷五十二
卷五十五之卷六

闕補卷四

二十四

卷十

三十五

卷十七

二十五

卷十八

十三

卷二十七

二十四

十一

卷二十

五

十三

十二

二

卷二十七

十六

卷二十八

十八

十九

卷二十九

二十三

卷四十一

十三

十七

十四

十八

卷四十四 二十九

卷四十八

十五十六

卷五十

十一十二

六家文選

六函

六十一冊

篇目同前闕袁褱識語

此書於蕭統序末及卷六十後偽刊淳祐二年
庚午歲上蔡劉氏刊隸書木記字體杜撰漫無
準繩亦即用袁氏版竄易亂真者合計此書共
成十部而作偽者居其九其間變易之計狡獪
多端或假為汴京所傳或託之南渡之末雖由

書賈謀利欺人亦足見袁氏此書撫印精良實
為一時不易得之本今登

冊府者至十部之多且袁氏所藏宋槧原本已入
前宋版書中七百餘年後先輝映猗歟盛矣
南昌袁氏收藏印記見前武陵華伯子印無考

南昌袁氏
家藏珍玩
子孫永保

武陵
華伯子
圖書

俱朱文 序

卷一

卷十一

卷二十一 卷三十一 卷四十一 卷五十一

闕補卷五

二十一

卷八

二十一

卷十

十一

卷十

八

二十一
二十一
二十四

卷二十四

二十九
三十

卷二十八

十六

卷四十一
十四

卷四十三
三十三

卷五十四
三

六臣註文選

六函
六十冊

篇目同前

此亦明翻宋槧而別為一版撫刻頗佳其目錄
內於昭明五臣銜名之次割補一行似是明時
刊梓者自署其名而書賈去之以售其作偽之
術又於卷六十後刻河東裴氏考訂云云訂字

亦作金旁且字畫紙墨判然各異不能掩也

文選註

二函
十二冊

明王象乾刪定十二卷前蕭統序次呂延祚進
五臣集注文選表次李善上文選註表次文選
姓氏

此書版式將六臣之註或列之上方或列於行
右其音釋則於下方列之不以註間本文亦取
便於記誦者也王象乾字子廓山東新城人舉

隆慶五年進士授聞喜知縣遷兵部主事歷郎
中出為保定知府累官至兵部尚書加少師兼
太子太師總督宣大山西軍務以衰病乞歸卒
贈太師具見明史本傳象乾自擢宣府巡撫以
後皆任邊疆重寄年八十三猶馳驅戎馬間此
書標題下結銜為保定知府蓋惟其時尚有餘
閒游心翰墨也

文選補遺

二函
十冊

宋陳仁子輯四十卷前宋趙文序後宋譚紹烈
識語

書中每卷標題下稱茶陵陳仁子輯誦次行稱
門人魯達臣纂類目錄後有茶陵東山書院刊
行木記仁子宋史無傳考凌迪知萬姓統譜載
陳天福者茶陵人歲凶發廩平糶貧不能糶者
天福輒周之有道士丐米福與之一斗道士酬
以百錢福弗受道士出題其壁有桂子蘭孫聯

步武之句後子桂孫蘭孫果登第慕義樂施有
父風遭宋季易姓不復祿仕營東山書院為終
身計博學好古著述尤富輯文選補遺四十卷
云云按所言東山書院既與木記相符而書之
原帙亦與此本適合則仁子為天福之子無疑
弟未分晰此書為桂孫蘭孫兄弟中何人所作
耳趙文序中稱仁子為同甫譚紹烈識語中又
稱為古迂翁似仁子是其名而非其字或當隱

居不仕之時自避原名而更為仁子也趙文字
惟恭又字儀可廬陵人三貢於鄉仕南雄府教
授出文丞相之門嘗從勤王於軍政多所叅決
晚請歸養所著有青山集見西江志魯達臣譚
紹烈俱無考紹烈本仁子之甥亦受業其門為
刊此書故系識語於後此本為明時翻刻撫印
極清惟自十四卷至十七卷與前後紙色迥殊
則從別本取出補入者

闕補卷五

五之七

卷十三 二

古文苑

二函
十冊

宋章樵重編二十一卷前樵自序

考陳振孫書錄解題稱是書不知何人集世傳
孫洙巨源於佛寺經龕得之韓無咎類次為九
卷刻之婺州云云此本則為二十一卷蓋宋時
先後原有二版考浙江志章樵字叔道昌化人
嘉定元年進士嘗宰吳時代後於振孫故解題

僅登韓刻按樵自序作於紹定壬辰序中稱學
製吳門結銜為知平江府吳縣事皆與浙江志
符惟志稱是書為二十卷按樵自序固有釐為
二十卷之語又稱第二十一卷文多殘闕姑存
卷末則志所稱蓋不及末卷耳是本字畫頗清
朗而撫印不工紙色亦出渲染又偽作金粟山
印記總無以掩其為明翻宋槧之迹也

書中有猗蘭堂及司馬氏收藏各印不詳其人

又有虞集伯生二印篆法庸劣顯係偽託不足採錄

待蘭堂
圖書記

序 白文

司馬氏家
藏書帖記

序 白文

司馬氏

朱文 卷一
卷二十一

子孫
保之

朱文
卷二十一

闕補卷三 三

六朝詩彙

二函
十二冊

明張謙輯王宗聖增一百十四卷前明金城序

次詩人姓氏爵里

明史藝文志載王宗聖增補六朝詩彙一百十

四卷雖於標題之上加以增補二字然不及張

謙之名此本標題下并列張謙王宗聖兼署姑

蘇陸師道校正而金城序又稱鄮西張子雅意

衷采積累成編濱湖王子復裨益之人凡五百

有奇為卷百又十四命曰六朝詩彙因託五湖

陸子為之校讐刻於蘇郡云云是此書之創始

與續成者瞭然具見矣張謙字仲受慈谿人嘉

靖壬辰進士歷官按察副使見朱彛尊明詩綜
王宗聖義烏人嘉靖甲辰進士官僉事見浙江
通志陸師道字子傳吳縣人嘉靖戊戌進士官
尚寶少卿見蘇州府志金城始末無考其序後
自署為濟南人號元白子此書字畫朗潔紙墨
俱佳係初印本

竇氏聯珠集

一函
一冊

唐竇常竇牟竇羣竇庠竇鞏著五卷前載唐書

竇羣本傳五人詩前各有小序後宋張昭識語
并詩次宋和峴記峴弟嶧署名又識語一篇姓
氏闕

考竇氏聯珠集宋時刻本原已盛行洪邁容齋
隨筆及陳振孫書錄解題俱詳其始末焉振孫
謂唐褚藏言所序竇氏兄弟五人詩各有小序
此書小序具存而不署褚氏之名蓋明人翻刻
時偶佚之也又考陳氏書錄解題作五卷而宋

史藝文志止作一卷似有互異今觀書中五人
之詩係各為一卷而不標五卷之名故宋史所
載遂指為一卷書末識語題淳熙五年謂家藏
和峴所校五實詩世少其本因刊諸公府以永
其傳今識語署名處已為書賈割補不知何人
所作窺其意特恐作於明人不得克宋槧遂為
私汰而不知其本淳熙五年固宋人非明人也
書首之載竇羣本傳以唐書此傳雖止為羣立

而兄弟五人序中並見其畧因存之以考行第
常字中行國子祭酒牟字貽周國子司業羣字
州列容管經畧庠字胄卿婺州刺史鞏字友封
武昌節度俱詳見本傳及小序考宋史張昭字
潛夫本名昭遠避漢祖諱止稱昭世居濮州范
縣仕漢至檢校禮部尚書入周封舒國公宋初
拜吏部尚書進封鄭國公改封陳國公和峴字
晦仁浚儀人晉宰相和凝子仕宋至主客郎中

判太常寺兼禮儀院事峴弟嶧宋史無傳

明樵李項氏藏本餘印無考

朱文 羣傳

勤貽堂

卷一之卷五

項子京
家珍藏

欣賞齋
藏書印

因齋
書人

俱白文 羣傳

書後識語

朱文

鴛水

漆園
老樵

白文

俱羣傳

孔師

白文

博序

朱文

卷一

羅東
任印

朱文

書後識語

唐文粹

六品
四十八冊

宋姚鉉撰一百卷前鉉自序後宋施昌言序

是書原刻前宋版中已載之而闕鉉自序此本版式字體極意追摹足稱精善然紙質不及無能襲取也

收藏二印無考

白石山房書

朱文 卷一 卷三之卷六 卷九之卷二十二 卷二十四之卷四十二 卷四十四下
之卷五十一 卷五十三之卷五十八 卷六十 卷六十一 卷六十三之卷七十 卷七十一

二之卷七十九 卷八十一 卷八十三之卷八十六

卷八十八之卷九十四 卷九十六之卷九十九

勅賜
養德
書院

朱文 卷六 卷上之卷六 卷三十一
卷三十六 卷三十八 卷三十六 卷四十一

卷四十六卷五十一卷五十六卷空一卷至六卷七十一

卷七十六卷八十一卷八十六卷九十一卷九十六

闕補卷八十二

一

唐文粹

四函
四十冊

篇目同前

此書於四十五卷之末別行刊嘉靖甲申歲太
學生姑蘇徐靖文明刊於家塾其各卷標題之
下俱冠以重校正三字其序並作大書雖似是

別為一版然以通體之版式字畫較之與前部
所刊者並無區別當是得其版者僅將其序文
重刊又於各卷標題及四十五卷之末補刊標
題以為新刻而實則仍其舊也徐埏始末亦無
考

收藏諸印未知誰氏

椰椰文
房清玩

朱文

五代
司馬

白文

學士
之章

朱文

銓序

卷一

卷五

卷九

卷十二

卷十四

卷十六

卷十七下 卷十九上 卷二十一 卷二十四 卷二十六 卷二十八 卷三十下 卷三十三上

卷三十五 卷三十八 卷四十一 卷四十三 卷四十五 卷四十七 卷五十一 卷五十三

卷五十六 卷五十八 卷六十 卷六十二 卷六十五 卷六十八 卷七十 卷七十三 卷七十六

卷七十九 卷八十二 卷八十五 卷八十八 卷九十 卷九十二 卷九十五 卷九十八

弁克

朱文

鉉序

三徑

朱文

卷九

闕補卷二 卷九 卷十五下 卷三十二一

卷三十九 卷四十三 卷四十七 卷六十

七八卷七十四一卷七十九九卷八十二十卷

九十三八卷九十九四

唐文粹

四函
四十冊

篇目同前

此書卷四十五後徐埉自識一行為書賈割去
補以別紙蓋因其樞印較工遂欲藉以充宋槧

耳

唐文粹

四函
三十二冊

篇目同前

字朗墨瑩數部中以斯為最其徐埶所自識者亦遂見汰於書賈矣

明焦竑藏本有澹園印記鶴園未知誰氏

筆研精良
人生一樂

鶴園

俱朱文鉉序 目錄 卷一 卷五 卷九 卷十二 卷十四下
卷十六 卷十八 卷二十 卷二十三 卷二十六 卷二十八 卷三十 卷三十三

卷三十七 卷四十 卷四十二 卷四十六 卷五十 卷五十四 卷五十七 卷六十 卷六十四

卷六十七 卷七十一 卷七十五 卷七十九 卷八十三 卷八十六 卷九十 卷九十二 卷九十七

朱文鉉序

澹園

目錄卷一

萬首唐人絕句

三函
十五冊

宋洪邁著五六言二十六卷七言七十五卷共
一百一卷前邁序次劄子奏狀目錄中有宋吳
格汪綱識語

考是書宋時舊本有一百卷一百一卷之不同
其一百卷者為邁所自刊半刻於會稽半刻於

鄱陽之本也一百一卷者為汪綱守越時所刊
合會稽鄱陽之本而併刻之者也又有吳格重
脩之本則僅屬會稽初刻之一半也此書為一
百一卷乃依汪綱本翻刻於明時者耳觀洪邁
自序言今以所編合為百卷刻之蓬萊閣中序
後又有自題云越府所刻七言至二十六卷五
言至二十卷而奉祠歸鄱陽惟書不可以不成
乃雇僱匠續之於容齋旬月而畢此百卷之名

與刊刻之地言之鑿鑿無可疑者故陳振孫書

錄解題嘗為詳悉言之謂邁編七言七十五卷

五言六言二十五卷卷各百首凡萬首上之振

孫所言固指會稽鄱陽合刻之本也此書所載

汪綱識語則謂唐人絕句一百一卷半刻會稽

半刻鄱陽嘉定癸未新安汪綱守越遂捐鄱陽

本併刻之使合而為一云云是綱已變稱一百卷

者為一百一卷矣原其互異之故洪邁所自刊

者五六言共二十五卷此本則以六言分出列
為第二十六卷故增多一卷也乃書中又有吳
格識語者以吳格亦為越守後於洪邁而先於
汪綱曾取會稽所刻一半之版脩補之而刻於
鄱陽之一半不與焉故其識語但稱洪公守會
稽嘗以此刻之郡齋後三十年格獲繼往躅命
工修補以永其傳時為嘉定辛亥云云不言卷
數亦不言鄱陽續刻之事以意考之則止會稽

一半之版也第所記嘉定辛亥似為翻刻時所
誤按洪邁自序題為紹熙元年序後再題則為
紹熙二年紹熙為光宗年號嘉定為寧宗年號
考浙江通志職官表洪邁之守越在光宗朝吳
格汪綱之守越皆在寧宗朝今以洪邁作序之
年計之紹熙元年為庚戌其次年則為辛亥即
邁歸鄱陽之年又三十年為寧宗之嘉定十四
年歲在辛巳並非辛亥則刊刻之誤不言可知

至吳格識語明稱後三十年獲繼往躅其為辛
巳又復顯然按辛巳後二年為癸未即汪綱作
守之時使格之所脩已為全版則相距不遠又
奚必汪綱之合梓乎是此書原刻崖畧猶井然
可考也考宋史汪綱字仲舉黟縣人官至戶部
侍郎又考凌迪知萬姓統譜吳格休寧人淳熙
間登第歷官至樞密都承旨起居舍人洪邁見
前

闕補卷七十四

十四十五

萬首唐人絕句

三函
十五冊

篇目同前

版式與前部相似而所載吳格汪綱識語分行
各異通體字畫亦較清朗蓋同為翻刻而此則
選工特勝也

收藏諸印未詳又有趙子昂氏印篆法不工顯
然偽託不復採錄

懷氏鐵松
家藏圖書

朱文序 五言目錄 六言目錄 七言目錄 五言卷一 卷五 卷六 卷十

卷十一 卷十五 卷十六 卷二十 卷二十一 卷二十六 七言卷一 卷四

卷五 卷九之卷十一 卷十三 卷十六 卷十九 卷二十一 卷二十二 卷二十四 卷二十五 卷二十七

卷二十八 卷三十 卷三十一 卷三十三 卷三十四 卷三十六 卷三十七 卷三十九 卷四十 卷四十二

卷四十三 卷四十五 卷四十六之卷四十八 卷五十 卷五十一 卷五十三 卷五十四 卷五十六 卷五十七

卷五十九 卷六十 卷六十二 卷六十三 卷六十五 卷六十六 卷六十八 卷六十九 卷七十二

卷七十三

卷七十五

延陵
季子

朱文

序

吳印
之振

白文

孟
舉

朱文

七言目錄

闕補五言卷十五
六七言卷八十五
卷六十三

十三
卷七十四
十三

西山先生文章正宗

四函
二十七冊

宋真德秀撰二十四卷前正宗綱目一卷

前宋版中載是書有德秀自序此本無之且於
標題之首稱西山先生其為明時所刻無疑而
撫印亦不及前書矣

文苑英華纂要

一函
四冊

宋周必大著纂要八十四卷辨證十卷前明華燧序

此書乃燧與其從孫子宣所刻爵里無考其序作於正德元年稱周益公嘗取內架所貯正本集諸學士校正去其煩冗分類而成凡八十四卷復著辨證云云據此則必大原書當有序跋後以久而佚之序又稱近得印本於陳湖陸氏所云印本蓋指宋槧也此書仿宋巾箱本式撫

刻亦工而字畫結體過大不能如宋刻之作蠅頭書矣

詩學大成

二函
十冊

元林槲著三十卷前元毛直方序

林槲爵里不可考以作序之毛直方推之當亦為宋末元初之人按凌迪知萬姓統譜稱直方字靜可建安人宋咸淳中領鄉薦入元授徒講學士爭趨之有聊復軒藁二十餘卷并編詩集

羣王府三十卷及詩學大成行世據此則詩學
大成一書竟似出於直方此迪知援據之誤意
迪知當時偶見此書以其序有直方之名即以
書為直方所纂觀其連舉三書一稱二十餘卷
一稱三十卷而此書獨不言其卷數則疎畧顯
然也其書本為世俗餽訂之學取便應酬而撫
刻大方殊非草草觀其版式當即明時司禮監
督刊之本

歷代名臣奏議

三十函
一百五十冊

明永樂間奉勅輯三百五十卷

考明史藝文志載歷代名臣奏議三百五十卷
註云永樂中黃淮等奉勅纂輯與此本卷數正
同書中當有序文進表或經歲久佚去其字畫
不能清朗蓋非初印本也

諸儒箋解古文真寶

一函
四冊

黃堅輯五卷前明神宗序後明孝宗跋又一跋

不著姓氏

黃堅不知為何時人觀孝宗跋語已有命工梓
之之文神宗作序又稱舊本凡三百十有二篇
今益三十五篇刻久漫漶因重授梓云云是明
時內府此書固有二版矣其不著姓氏之跋則
稱永陽黃堅氏所集古文真實二十卷梓行已
久率多湮蝕偶得善本命工重刊云云跋後題
為弘治十五年青藜齋寓雲中有斐堂書觀此

則內版之外復有二刻其刻於雲中者與孝宗
朝內版同出一時皆為重梓而神宗所刊最居
其後係合孝宗雲中兩刻而併校之故皆載其
跋也至雲中之跋稱二十卷與此五卷之數不
符蓋由重刻時省併之故第書中註釋詞意淺
陋似非名人所作

詞致錄

二函
十六冊

明李天麟著十六卷前有序闕名

李天麟山東濟南府武定縣人登萬歷庚辰進士第見太學題名碑其書專輯駢體上自六朝下迄唐宋採其根葉並茂者合而錄之不以富麗為工天麟曾有自刊之本其序作於萬歷丁亥備述選輯之旨此本序稱祥字李公則又別為一版而序後署名為書賈割去復從目錄卷六中割取歐陽修方岳李良樞等名移補目錄首葉標題下以此書為歐陽修所作不知書中

所載南宋人文章甚多豈有修為纂輯之理今
取天麟自刊本校之顛末具見又安從欺飾乎
第此雕刻清朗撫印頗工亦不失為佳本

龍筋鳳髓判

一函
二冊

唐張鷟著二卷後附唐書列傳節文

按此書載於文獻通考者稱為十卷今止二卷
蓋因書僅百題故後人翻刻遂為省併也晁公
武讀書志謂鷟嘗八中制科此其書判陳振孫

書錄解題謂百題皆待選預備之具而洪邁容齋隨筆譏其蔽罪議法不能深切則此書崖畧概可見矣書末節錄唐書乃張薦傳文以薦為薦祖傳中兼敘其始末也

山谷老人刀筆

一函
四冊

宋黃庭堅著二十卷前山谷老人傳

考晁公武陳振孫馬端臨諸書目止載黃魯直豫章集三十卷別集十四卷又別集一卷初無

此書之名宋史藝文志於豫章集別集之外又載樂二卷書尺十五卷亦未以刀筆名書則非宋槧可見此書前後當有選輯人序跋或由書賈欲充宋槧遂從而汰之耳

明槧李項氏藏本其衡齋印無考又有謝疊山趙孟頫二印係出偽作不足存

衡齋家
藏圖書

傳

白文

項子京
圖書記

朱文卷一

卷十一


滑耀編

一函
四冊

明賈三近著不分卷前三近自序

考明史賈三近字德脩嶧縣人隆慶戊辰進士
選庶吉士累官兵部右侍郎其選輯是書以滑
耀名者蓋取莊子滑疑之耀聖人之所圖句也
序作於萬歷庚辰自稱東鳩子題其文皆取意
於亡是子虛之說以自況其風旨當時櫛刻此
書雖非精善而字畫尚為清朗

欽定天祿琳琅書目卷十



總校官候補中書臣吳紹潔
校對官中書臣徐秉敬
謄錄監生臣朱懷玉